



Халқ сўзи

Ўзбекистон — келажаги буюк давлат

2020 йил — ИЛМ, МАЪРИФАТ ВА РАҚАМЛИ ИҚТИСОДИЁТНИ РИВОЖЛАНТИРИШ ЙИЛИ

1991 йил 1 январдан чиқа бошлаган

WWW.XS.UZ

E-mail: info@xs.uz

2020 йил 2 август, № 161 (7663)

Якшанба

Сайтимизга ўтиш учун QR-кодни телефонингиз орқали сканер қилинг.



ПРЕЗИДЕНТ: МУСА ЕРНИЯЗОВ ҚАҲРАМОН ХАЛҚНИНГ ҚАҲРАМОН РАҲБАРИ ЭДИ



қилиш, бу — ҳақиқий матонат. Муса Ерниязов ана шундай қаҳрамон халқнинг қаҳрамон раҳбари эди. У 18 йил давомида Қорақалпоғистон Республикаси Жўқорғи Кенгесининг Раиси деб аталмиш ўта масъулятли ва шарафли вазифада самарали фаолият олиб боргани буни яққол тасдиқлайди, — деди давлатимиз раҳбари.

Муса Ерниязов Ўзбекистон Республикаси Олий Мажлиси Сенати Раисининг ўринбосари сифатида мамлакатимизнинг барча ҳудудини ривожлантириш учун муҳим қонунларни ишлаб чиқиш ва амалга оширишга катта ҳисса қўшгани ёдга олинди.

— Аллоҳ таоло Муса оғани мана шундай муборак Қурбон ҳайити ва жума кунларида ўз раҳматига олганида ҳам бир хислат бор, дейиш мумкин. Барчамиз учун қадрли бу инсон ҳаётда ўзидан яхши ном, яхши из ва хотиралар қолдирди. «Юрт учун фидо бўлиш — ўлим эмас, аслида қайта туғилиш», дейди донолар. Муса Ерниязовнинг номи ва ёрқин хотираси ҳам бугун қайта туғилмоқда, тарих саҳифаларига абадий муҳрланмоқда, — дея таъкидлади Шавкат Мирзиёев.

Қорақалпоғистон Республикаси Вазирлар Кенгаши раиси Қаҳрамон Сариев, «Нуроний» жамғармаси Қорақалпоғистон Республикаси бўлими раиси, Олий Мажлиси Сенати аъзоси Шараф Уснатдинов, «Қорақалпоқ адабиёти» газетаси бош муҳаррири, Олий Мажлиси Сенати аъзоси Гулистон Аннақичева, Хоразм вилояти ҳокими Фарҳод Эрманов, Ўзбекистон ёшлар ишлари агентлигининг Қорақалпоғистон бўлими раҳбари, Олий Мажлиси Сенати аъзоси Абатбай Данияров Муса Ерниязовнинг эл-юрт манфаати йўлидаги серқирра фаолияти, одамларга яхшиликларини эсга олди.

Ўзбекистон Республикаси Олий Мажлиси Сенати аъзолари, Қонунчилик палатаси депутатлари, Президент Административияси ҳамда Вазирлар Маҳкамаси вакиллари, Қорақалпоғистон Республикаси Жўқорғи Кенгеси депутатлари, Вазирлар Кенгаши аъзолари ва кенг жамоатчилик марҳум хотирасига ҳурмат бажо келтириб, сурати тагига гуллар қўйди.

Ўзбекистон Қаҳрамони, атоқли давлат ва жамоат арбоби, самимий ва фидойий инсон Муса Таҳетдинович Ерниязовнинг хотираси халқимиз қалбида доим сақланиб қолади.

Ў.А.

Ўзбекистон Республикаси Президенти Матбуот хизмати сурати.

Пандемия келтирган синовли кунларда халқимиз оғир жудоликка учради. Қорақалпоғистон Жўқорғи Кенгеси Раиси — Ўзбекистон Республикаси Олий Мажлиси Сенати Раисининг ўринбосари, Ўзбекистон Қаҳрамони Муса Ерниязов 2020 йил 31 июль куни вафот этди. Марҳум Нукус шаҳридаги «Шорша баба» қабристонига дафн этилди.

Ўзбекистон Республикаси Президенти Шавкат Мирзиёев 1 август куни бу ерга ташриф буюриб, Муса Ерниязов қабрини зиёрат қилди. Марҳум ҳақида Қуръон тиловат қилинди.

— Раҳматли Муса оға элни яхши кўрган, ҳалол, пок, ор-номусли инсон эди. У кишига жуда ишонардим, Қорақалпоғистондан кўнглим тўқ эди. Тили, дини, тақдирини, ташвишларини бир бўлган ўзбек ва қорақалпоқ халқларининг оғзибирчилигини қадрларди. Қорақалпоғистонни ривожлантириш, одамларнинг бирини икки қилиш бўйича кўп ишларни бошлаган эдик. Энди

бу ишларни, режаларимизни дўстлари билан бирга албатта давом эттирамиз, — деди давлатимиз раҳбари.

Шавкат Мирзиёев Муса Ерниязов дафн этилган қабристон обод қилинишини таъкидлади.

— Бу ерни Қорақалпоғистонга келганлар эҳтиром билан зиёрат қиладиган масканга айлантирамиз. Шундай ватанпарвар инсонларнинг ҳурматини жойига қўйсак, халқимизга, ёшларимизга намуна бўлади, — деди Президент.

Нукус шаҳрида Ўзбекистон Қаҳрамони Муса Ерниязовнинг вафоти муносабати билан таъзия маросими бўлиб ўтди.

Унда Президент Шавкат Мирзиёев иштирок этиб, марҳумнинг оила аъзоларига, халқимизга чуқур ҳамдардлик билдирди.

Шавкат Мирзиёев Муса Ерниязов қарийб 50 йиллик фаолияти давомида улкан раҳбарлик қобилияти, инсоний фазилатлари билан ҳурмат қозонгани, Қорақалпоғистоннинг иқтисодий салоҳиятини ошириш, шаҳар ва овулларни обод қилиш, аҳоли турмушини яхшилаш учун ўзини аямай меҳнат қилганини таъкидлади.

— Қорақалпоқ заминида, Орол ҳалокати юз берган ўлкада яшаб меҳнат

Ушбу оғир синов дамларида Аллоҳ таолонинг ўзи эзгу ва савоб амаллар учун янги имконият эшикларини очиб бермоқда. Хусусан, пандемия туфайли ишидан, доимий даромад манбаидан узилиб қолган, ёрдамга муҳтож инсонларга кўмак беришни юртдошларимиз ўзларининг инсоний бурчи, деб қабул қилаётгани таҳсинга лойиқдир. Зеро, муқаддас ҳадисларда келтирилганидек, ҳақиқий мусулмон ўзига раво кўрганини биродарига ҳам раво кўради.

Шавкат МИРЗИЁЕВ

САҲОВАТ ВА КЎМАК — ҚУДРАТЛИ КУЧ

Бугун бугун дунёда бўлгани каби мамлакатимизда ҳам пандемия вазият оғирлигича қолмоқда. Ана шундай оғир ҳолатларда ҳам давлатимиз раҳбари томонидан узоқни кўзлаб олиб борилаётган сиёсат, амалга оширилаётган ислохотлар туфайли иқтисодий ҳаётимиз у қадар зарар кўргани йўқ. Аксинча, мамлакатимизда пандемия шароитида тадбиркорлар учун қулай шароитлар, имтиёзлар берилаётгани боис иқтисодий мувозанат таъминланмоқда.

Қолаверса, Президентимиз томонидан пандемия даврида ижтимоий ҳимояга муҳтож аҳоли қатламларини моддий қўллаб-қувватлашга алоҳида эътибор қаратилаётгани таҳсинга сазовор. Зеро, бугун дунё бошига соя солаётган «тождор» вирус айрим фуқароларимиз турмушига, моддий имкониятларига таъсир ўтказмай қолмапти. Уларни моддий рағбатлантириш бугун ҳар қачонгидан муҳим аҳамиятга эга.

Акс садо

Ташна қалбларга дармон

Деҳқонман. Ерларимиз бепоён Қизилқумга туташ. Биламан, сахародаги оддий бир гиёҳ ҳам обихаётга ташна. Бир томчи сув унга дармон бўлади.

Давлатимиз раҳбарининг «Коронавирус пандемияси даврида ижтимоий ҳимояга ва ёрдамга муҳтож аҳоли қат-

ламларини моддий қўллаб-қувватлашга доир кўшимча чора-тадбирлар тўғрисида»ги Фармони ҳам тириклик манбаи — обихаётга ухшатимиз келади. У меҳр-эътиборга ташна минглаб қалбларнинг чанқоғини қондирди, десак, муболага эмас.

Жойларда оддий одамлар билан учрашувлар чоғида бунга кўп бора ишонч ҳосил қилганмиз.

Шу ўринда бир мисол. Қуйи Чўқурак маҳалласидан бўлган Шафоат Холовага Қурбон ҳайити арафасида моддий ёрдам кўрсатилди. «Шундай заминда яшаётганимга, меҳр-оқибатли, элпарвар Юртбошимиз борлигига шукроналар қиламан», дейди у қувонч кўзёшларини яширолмай.

Фармон шарофати билан Шафоатга ўхшаган бир эмас, ўн минглаб

эҳтиёжманд ва ёрдамга муҳтож фуқароларнинг турмуш ташвишлари енгиллашди. Уларга республика бюджетидан бир марталик ёрдам пули ажратилди. Ўзимиз истикомат қиладиган биргина Шофиркон туманида муҳтож оилаларнинг салкам беш минг нафар аъзосига 998 миллион 600 минг сўм маблағ берилди. Бунақаси ҳали бўлган эмас.

Ушбу далиллар давлатимизнинг инсонпарварлик сиёсатидан далолат бериб, тарихга муҳрланиши мўжарра!

Азим ЛАТИПОВ, Ўзбекистон Қаҳрамони.

Аҳолига нима учун нақд пул тарқатилмоқда?

Қурбон ҳайити муносабати билан ёрдамга муҳтож оилаларнинг ҳолидан хабар олиш учун 200 миллиард сўм ажратилди. «Саховат ва кўмак» жамғармаси ҳисобидан тарқатилмоқда бу пуллар 150 минг оилани қўллаб-қувватлашга қаратилган. Мазкур маблағ мутасадди идоралар томонидан шакллантирилган рўйхат асосида нақд пул шаклида тарқатилмоқда.

Бундан ташқари, Президентнинг

ушбу Фармони билан аъзолари 1,7 миллиондан ортиқ бўлган 400 мингдан кўпроқ оилаларга бир марталик моддий ёрдам ажратилади ва бунинг учун 380 миллиард сўм йўналтирилади. Бу маблағ карантин даврида ишсиз, даромадсиз қолган аҳолининг тирикчилик учун ўтказиши учун берилмоқда.

Биз озик-овқат маҳсулотларининг бир кунлик меъёридан келиб чиққан ҳолда ҳисоб-китоб қилдик. Ҳисоб-китобларимиз асосида жон бошига 14 турдаги маҳсулот учун 220 минг сўмдан тўғри келиши маълум бўлди. Бир оилада 5 киши бўладиган бўлса, 1 миллион 100 минг сўмдан тўғри келади. Бу маблағнинг нақд пул шаклида берилиши ташкил қиламиз, чунки эҳтиёжманд оила, дейлик, томорқасида нимадир етиштираётган бўлса, биз маҳсулот шаклида олиб борган картошка-пийёларимиз унга керак бўлмаслиги мумкин. Шунинг учун нақд пул шаклида бериладиган моддий ёрдамни ҳар бир оила ўзига керак бўлган мақсадлар учун ишлатади.

Акмалхон ОРТИҚОВ, иқтисодий тараққиёт ва камбағалликни қисқартириш вазирининг биринчи ўринбосари.

ЭЗГУЛИКНИНГ МУКОФОТИ ФАҚАТ ЭЗГУЛИКДИР

Бисмиллаҳир Роҳманир Роҳийм. Ҳайит байрамлари қадимдан юртимизда ўзгача, халқимизга хос меҳр-оқибат, шукроналик, ҳамжиҳатлик, муруват, бағрикенглик ва саховат ифодаси бўлиб келган.

Жорий Қурбон ҳайити ҳам кўтаринки руҳда, халқимизнинг қон-қонига сингиб кетган миллий ва диний қадриятларига мос равишда кенг нишонланмоқда.

Муносабат

Шукронамизнинг, шоду хуррамлигимизнинг яна бир сабаби, шубҳасиз, куни кеча Президентимиз томонидан Ўзбекистон халқига йўланган Қурбон ҳайити табриги ҳамда унинг мантиқий давоми сифатида қабул қилинган «Коронавирус пандемияси даврида ижтимоий ҳимояга ва ёрдамга муҳтож аҳоли қатламларини моддий қўллаб-қувватлашга доир кўшимча чора-тадбирларнинг айти Қурбон ҳайити кунларида қабул қилингани бежиз эмас. Зеро, Президентимиз табригида таъкидланганидек, бу қўллуқ байрамнинг моҳиятида мужассам бўлган эзгу ва савоб ишлар қилиб яшаш, ўзаро ёрдам, меҳр-саховат, сабру қаноат, шукроналик, тинчлик ҳамда соғлиқни қадрлашдек улғу фазилатлар бугун алоҳида аҳамият касб этмоқда.

ишончимизни янада мустаҳкамлади, десак, янглишмаган бўлаемиз.

Давлатимиз раҳбарининг ижтимоий ҳимояга ҳамда ёрдамга муҳтож аҳоли қатламларини моддий қўллаб-қувватлашга доир кўшимча чора-тадбирларнинг айти Қурбон ҳайити кунларида қабул қилингани бежиз эмас. Зеро, Президентимиз табригида таъкидланганидек, бу қўллуқ байрамнинг моҳиятида мужассам бўлган эзгу ва савоб ишлар қилиб яшаш, ўзаро ёрдам, меҳр-саховат, сабру қаноат, шукроналик, тинчлик ҳамда соғлиқни қадрлашдек улғу фазилатлар бугун алоҳида аҳамият касб этмоқда.



ХОНАДОНЛАРГА БАРАКА ОЛИБ КИРГАН ХАЙРЛИ ТАШАББУС

Коронавирус пандемияси. У бугун дунё аҳолисининг кўп қисmini қамраб олаётган соғлиқсизлик бўлиб келмоқда. Мана шундай мураккаб шароитда ижтимоий ҳимоя ҳамда ёрдамга муҳтож одамлар, айниқса, жабр чекади, умидсизликка тушади.

Фамхўрлик

Бироқ ҳамжиҳатлик ва бағрикенглик мустаҳкам қарор топган, катталарга ҳурмат, кичикларга иззаат, меҳр-оқибат туйғулари қалб ва шуурлардан чуқур жой олган мамлакатимизда бундай мураккаб шароитда ҳам аҳолини, айниқса, унинг эҳтиёжманд қатламларини ижтимоий ва моддий қўллаб-қувватлаш масаласи давлатнинг биринчи даражали эътиборида турибди.

Дарҳақиқат, халқимизнинг тарихий ва маънавий қадриятларини намойён этадиган муҳтожлар ҳолидан хабар олиш аъёнани маънавий ҳаётимизнинг ажралмас

қисмига айланган. Фуқароларимизнинг саломатлигини мустаҳкамлаш, моддий ёрдам ва кўмакга муҳтож оилалар ҳаётини мазмунли қилиш, кўнглини кўтарши йўлида амалга оширилаётган ишлар изчил давом эттирилмоқда.

Президентимизнинг 2020 йил 30 июлдаги «Коронавирус пандемияси даврида ижтимоий ҳимояга ва ёрдамга муҳтож аҳоли қатламларини моддий қўллаб-қувватлашга доир кўшимча чора-тадбирлар тўғрисида»ги Фармони бу борадаги гамхўрликнинг яна бир ёрқин ифодаси бўлди.



КОРОНАВИРУС
бўйича маълумот:

Ўзбекистонда

2020 йил 1 август соат 23.30 ҳолатига кўра, касалланганлар сони — 24 783 нафар, тузалганлар 15 299 нафар, вафот этганлар 147 нафар.

Дунёда

2020 йил 1 август ҳолатига кўра, жами касалланганлар сони — 17 591 968 нафар, тузалганлар 10 330 958 нафар, вафот этганлар 679 439 нафар.

УЙДА ҚОЛИНГ!



